



Broj: 02-11-4-1223/26  
Goražde, 11.05.2026.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br. 39/14, 59/22, 50/24) u postupku javne nabavke – konkurentski zahtjev "Nabavka i ugradnja sijalica za uličnu rasvjeta", Gradonačelnik Grada Goražda donosi:

## O D L U K U

o prihvatanju ponude ponuđača „ERING” d.o.o. Živinice za nabavku i ugradnju sijalica za uličnu rasvjetu

### I

Ovom Odlukom se nakon provedene tenderske procedure u postupku javne nabavke "Nabavka i ugradnja sijalica za uličnu rasvjetu", prihvata ponuda ponuđača „Ering” d.o.o. Živinice čija cijena ponude nakon održane e-aukcije iznosi 32.000,00 KM bez uračunatog PDV-a.

### II

Ova Odluka će se objaviti na web stranici Gradske uprave Goražde [www.gorazde.ba](http://www.gorazde.ba) sa istovremenim upućivanjem ponuđačima koji su učestvovali u postupku javne nabavke.

### III

Nakon pravosnažnosti ove Odluke po isteku roka od 15 dana od datuma Obavještenja ponuđača, Grad Goražde će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja. Izabrani ponuđač će prije popisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama.

Ukoliko izabrani ponuđač ne postupi u skladu sa ovom obavezom ugovorni organ će ponuditi zaključenje ugovora drugorangiranom ponuđaču.

## O b r a z l o ž e n j e

Gradonačelnik Grada Goražda je dana 03.04.2026. godine donio Odluku o pokretanju postupka javne nabavke roba „Nabavka i ugradnja sijalica za uličnu rasvjetu” broj 02-11-4-1223/26 putem konkurentskog zahtjeva.

Na osnovu navedene odluke, Obavještenje o nabavci broj 413-7-1-20-3-49/26 objavljeno je na portalu javnih nabavki dana 07.04.2026. godine, sažetak Obavještenja o nabavci objavljen je u „Službenom glasniku BiH” broj 26/26. Tendersku dokumentaciju za ovu nabavku je preuzelo 25 (dvadesetpet) ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 17.04.2026. godine.

Komisija za provođenje procedure javne nabavke imenovana posenim rješenjem Gradonačelnika Grada Goražde od 03.04.2026. godine dostavila je izvještaj o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za nabavku i ugradnju sijalica za uličnu rasvjetu dostavljene ponude od strane ponuđača „Janjina“ d.o.o. Goražde, „SES” d.o.o. Sarajevo, „Ering” d.o.o. Živinice, „STEP” d.o.o. Sarajevo, „Energomatika” d.o.o. Foča i „Nexen” d.o.o. Banja Luka;

- da ponude ponuđača "SES" d.o.o. Sarajevo, "Ering" d.o.o. Živinice, "STEP" d.o.o. Sarajevo i "Energomatika" d.o.o. Foča ispunjavaju sve zahtjevane formalno pravne uslove za učešće, uslove u pogledu lične situacije, sposobnosti za obavljanje profesionalne djelatnosti kao i tehničke i profesionalne sposobnosti;
- da je ponuda ponuđača „Janjina“ d.o.o. Goražde nakon izvršenog pregleda i ocjene ponuda ocjenjena kao nepravilna jer ista nije u skladu sa tenderskom dokumentacijom i kao takva odbijena. Naime, navedeni ponuđač je propustio uz ponudu dostavi saobraćajnu dozvolu za motorno, odnosno priključno vozilo sa korpom, što je određeno tačkom 3.4.2. pod c) tenderske dokumentacije.  
Osim toga, dostavljeni tehnički listovi za stavke označene rednim brojevima 3. i 5. Obrasca za cijenu ponude/tehnička specifikacija ne sadrže podatke u pogledu snage ponuđenih svjetiljki;
- da je ponuda ponuđača „Nexen“ d.o.o. Banja Luka nakon izvršenog pregleda i ocjene ponuda ocjenjena kao nepravilna jer ista nije u skladu sa tenderskom dokumentacijom. Ponuda navedenog ponuđača je odbijena jer je navedeni ponuđač uz ponudu dostavio tehnički list na kojem su uočene svojevrsne moguće promjene istog što stvara sumnju da dostavljeni tehnički list ne predstavlja izvorni primjerak istog.  
Također, dostavljeni tehnički list za stavku označenu rednim brojem 6. Obrasca za cijenu ponude/tehnička specifikacija ne sadrži podatak u pogledu oblika ponuđene sijalice, obzirom na zahtjev ugovornog organa u tom pogledu da sijalica mora biti okrugla ili kvadratna;
- da je za dan 04.05.2026. godine u 11:00 sati zakazana e-aukcija;
- da je nakon održane e-aukcije u skladu sa kriterijem za dodjelu ugovora „najniža cijena“ utvrđena rang lista uspješnih ponuđača kako slijedi:

R. br.	Naziv ponuđača	Konačna cijena ponude nakon održane e-aukcije bez PDV-a
1.	„Ering“ d.o.o. Živinice	32.000,00 KM
2.	„STEP“ d.o.o. Sarajevo	34.000,00 KM
3.	„Energomatika“ d.o.o. Foča	34.800,00 KM
4.	„SES“ d.o.o. Sarajevo	39.500,00 KM

- da je ponuda ponuđača „Ering“ d.o.o. Živinice sa cijenom ponude u iznosu od 32.000,00 KM bez uračunatog PDV-a, nakon održane e-aukcije, prema kriteriju „najniža cijena“ ocjenjena kao najpovoljnija za ugovorni organ.

Komisija za provođenje postupka javne nabavke "Nabavka i ugradnja sijalica za uličnu rasvjetu" je Gradonačelniku Grada Goražda predložila donošenje Odluke o prihvatanju ponude ponuđača „Ering“ d.o.o. Živinice za nabavku i ugradnju sijalica za uličnu rasvjeta budući da je ponuda navedenog ponuđača sa cijenom od 32.000,00 KM bez PDV-a, na osnovu provedene procedure, ocjenjena kao prorangirana i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba u roku od 5 dana od dana prijema iste. Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka. Uz žalbu je potrebno dostaviti dokaz o plaćenju naknadi za pokretanje žalbenog postupka.



PO OVLAŠTENJU GRADONAČELNIKA

MUAMER KRAŠIĆ

DOSTAVITI:

1. Ponuđačima putem e-pošte,
2. u spis,
3. a/a